

#ARAGONENEUROPA

Aragón ye una d'as nazionalidaz d'Europa e ha de tener **boz propia en a UE** e partezipación en a presa de dezisions. Queremos **que Aragón siga tratato por a UE conforme á ra suya situación reyal** de desequilibrio territorial, abiellamiento y espoblación e de perlasticamiento d'a **reobredura d'o Canfrán**, que güei día sigue estando inorata.

#RESCATEMOSPRESONAS

Imos á **rescatar presonas**. Ta ixo queremos politicas dotatas d'imbersions ta ra creyación d'emplego en una economía á o serbizio d'as presonas e respetuosas con o meyo ambién. Apostamos por a toleranzia zero **contra a corrompición**, o frau, o difuyo fiscal e os paraísos fiscals. Semos en contra d'a subenzió por a subenzió si no ba acompañata de politicas.

#DEMOCRAZIAREYAL

Queremos ubrir un nuevo **prozeso constituyén europeo** enta una Europa d'as Presonas e d'os Pueblos más democratica e trasparén. Queremos **más poder ta o Parlamento Europeo**, a istituzión con más lechitimidá ziudadana drento d'as istituzions europeyas. Queremos transparencia en o funcionamiento d'a UE, y que siga á o serbizio d'a ziudadanía.

#SOLIDARIDÁ

Reclamamos una **nueva Carta d'os Dreitos Sozials** ta guarenziar educazió, sanidá, chustizia e meyo ambién ta todas/toz, encluyitas as presonas migrans. Priorizamos a luita contra ra pobreza e a esclusión sozial e reclamamos a obredura d'un debate europeo sobre a **renda basica de ziudadanía**.

#EUROPADOSPUEBLOS

Promobemos o respeto e refirme d'a UE á ra **dibersidá cultural e lingüística d'os pueblos** europeyos, encluyindo as minorías e nazions sin Estado. Rebutamos o retalle d'a suya autonomía e dezisions democraticas e reclamamos a partezipación reyal y efeutiba d'as unidaz subestatales en la presa de dezisions europeyas.

#ESTAUSOZIALEUROPEYO

Reclamamos o dreito á una **renda basica dina ta todas as presonas**. Politica sozial publica, laica, gratuita, partezipatiba e con azeso á unos serbizios sozials unibersals. Por **un Pauto Sozial Europeo** de guarenzias á ras presonas que prebalexca sobre o insolidario modelo neoliberal actual.

#DREITOS

Rebendicamos un espazio de libertá e seguridá ta todas as presonas, libre **de discriminazió, razismo e xenofobia**. Güei queremos esfender e conquistar igualdá de dreitos ta ras mullers e ta os coleutibos amarginatos, sigan LGTB+, presonas mayors, con dibersidá funzional, ez. A Europa que queremos esfende tamién os dreitos dichitals, a neutralidá e pribazidá d'o rete.

#ECONOMÍABERDA

Apostamos por a **transizió ecolochica d'a economía** (*New Deal Berde*) enta atro modelo produtibo e de consumo alazetato en a economía sozial, sostenible e d'o bien común, ye dizir, una prosperidá compartita. Finanziaremos a creyación d'emplegos berdes e dezens, antimás d'I+D+i, con un reparo fiscal que tase antis con antis os recursos e os capitals.

#CHÓBENSCONFUTURO

Una Europa que dé respuesta e orizons de futuro á ras angluzias bitals d'a suya chenerazió millor parata e no la condene á ra diaspora, que dé soluzions á o drama d'o paro chobenil **con una dotazió de fondos sufizients á ra Guarenzia Chobenil Europea e as politicas d'emanzipazió**.

#NODEBEMOSNOBOSAMOS

Desichimos una **auditoría publica e ziudadana d'a deuta**, que premita abaluar a parti ilechitima d'a mesma e refuse o suyo bosamiento. Luitamos por una nueva gubernanza economica d'a UE, a democratizazió d'o Banco Zentral Europeo e una armonizazió fiscal europea. Proposamos **una tasa á ras transazions financieras internazionales ta empachar a especulazió e financiar a solidaridá internazional**.

#EUROPASUSTENIBLE

Proposamos un **nuevo modelo energético europeo**, libre d'energías fósiles e nuclear, **sin fracking** e basato en as energías renovables e l'autosuficiencia. Luitamos por una Europa á ra banguarda contra o cambeo climatico, guarenziador d'o respeto á ra biodiversidá, o bienestar animal, a **nueva cultura de l'agua** e con políticas agrícolas e pesqueras ambientalmén e sozial chustas.

#FRATERNIDÁGLOBAL

Queremos combertir a UE en una boz internacional fuerte e unitaria en a **esfensa d'a solidaridá, a libertá e os dreitos humanos**, a fin d'a pobreza e a dinificazi3n d'a migraci3n interna y esterna. Debemos achquir o gasto militar e promover a seguridá umana e a promoci3n d'a paz.

#ECONOMÍADOBIENCOMÚN

Refirmamos l'autidá produtiba que aporta os biens e serbizios con os que se sustiene a soziedá. A economía ha de **finanziar como cal o estado d'o bienestar antes de satisfacer o animo de lucro**. Demandamos a fin d'os oligopolios d'a enerchía e as telecomunicacions: u competencia real u naziionalizaci3n.

#MULLERSYLIBERTÁ

Queremos sanzions ta Estados e interpresas que no aseguren a **igualdá salarial e profesional entre ombres e mullers**. Armonizaci3n, conciliaci3n e guarenzias laborals ta os que tiengan ninos, anzianios u dependiens á o suyo cargo. Recuperar os **dreitos secsuals e reproductibos** d'as mullers. Plan Europeo **contra ra biolenzia machista**: prebenzi3n, atenzi3n, asistencia, protezi3n, recuperaci3n e reparaci3n á ras bitimas.

#NOBIHAPANTATANTOCHURIZO

Proposamos una **Fiscalía europea** que promueba l'azi3n d'a Chustizia europea e asuma ra luita contra o frau, a corrompizi3n e o difuyo fiscal. Ha d'establiir-se un estrito **control d'as binculacions** d'os gubernans e parlamentarios **con intreses empresariales**, antis, mientres e dimpués d'o exerzicio d'o suyo cargo.



Programa eleitoral Eslizions europeyas 2014

- **Propuestas enta una Europa d'as presonas, no pas d'os mercaus.**
- **Iniziatibas ta que ARAGÓN tenga o suyo espacio en Europa.**

equo

cha